

本館新聞除禮拜外日出一  
張 諸君閱本報者無論  
本埠外埠均可函致本館取  
閱如外埠閱報照加寄費可  
也除日報常刊送外復不  
惜工本從英國採辦釘書機  
紙各樣單件並有英國各  
種活字及各式花邊等延有  
西人印工其精所有石版  
文字均能刊印並有石版  
大小機器均用精工刊

第 一 千 四 百 八 十 八 號

# 報 叻

(本館開設在舊巴剎口門牌十一號)

本館新開除禮拜外日出一  
張 諸君閱本報者無論  
本埠外埠均可函致本館取  
閱如外埠閱報照加寄費可  
也除日報常刊送外復不  
惜工本從英國採辦釘書機  
紙各樣單件並有英國各  
種活字及各式花邊等延有  
西人印工其精所有石版  
文字均能刊印並有石版  
大小機器均用精工刊

凡刊印告白第一日每一字仙二日以下每字半仙 (大英一千八百九十三年七月四號禮拜二) 每張售錢五仙 每月一元 每日每張售錢五仙

常而況地隔千里得自遙傳誼屬同寅原非知已微風聞而入奏易致驚鴻之感端與論以陳詞不  
乏市虎疑傳之舉哉觀於張香帥之招物議而為之慨然矣夫香帥以畿南魁傑榮探及弟之花翰院名賢  
登壇量才之尺鴻才碩學推重一時當夫同逆鳴張新疆未靖強鄰虎視西域戒嚴香帥辭事機上陣要  
策洋洋灑灑千有餘言中外臣民咸為欽服既而恭承 簡命巡撫山西西更治以衛民生我願相以維類  
俗時適海氛不靖警時聞 恩命榮領總制兩粵於時助桂防之協餉粵地之邊軍購械備糧在在需  
費而庫帑已空運籌莫決於是香帥化文章為經濟本學術作謀猷創設牙捐而築炮臺添軍火增防營抽  
於民者實歸於國罰輸巨款而修貢院建長堤設書局取於私者仍撥於公以故士民愛戴人懷去思乃因  
移節兩湖機務雖興而鐵路未建以致為徐京卿所彈劾奏查京卿奏疏所謂苛罰巨款虛糜國帑延誤要工  
諸大端當必指以上各節而言會亦思香帥事從公微特為邦人所共諒抑且為眾口所交稱即毀之斥  
之庸何傷至謂其與居無節號令不時亦指摘不休是則吹毛求疵所謂欲加之罪何患無辭更何足為香  
帥病哉善夫李筱帥之奏曰張之洞在翰林時誦講恒至夜分外任時判牘亦然及其至粵正當多事之秋  
併力支持日不暇給學之則曰夙夜在公劬勞罔懈毀之則曰負居無節號令不時夫毀譽有何常乃以此  
區區末節猶敢登諸奏章貽為口實推斯意也將見沈潛可指為拘迂高明可指為夸誕是非顛倒又何可  
與臧否人才哉至於鐵路之議香帥亦非無成竹於胸中徒以火車為兩國所創始車輪鐵軌皆須取資於  
外洋利源外溢則漏卮愈多香帥為保利源計不得不取諸宮中而用之於是創為鍊鐵之舉然鍊鐵必須  
與開礦相因其工程之浩大誠有如劉峴帥所云各廠房屋有鍊生鐵者有鍊精鋼者分門別類  
名目甚多規模闊大需費浩繁大凡草創之事與立有成規者難易本有不同省費亦各有別與作改易勢  
難滴歸源今開辦鐵廠置爐鍊鐵本係仿效西法事屬創始工作既未熟諳用款自不無稍費是則香帥  
之糜耗巨款維持大工固亦為眾所共諒所未能盡強人意者趙鳳昌以讓詔小人香帥竟置諸左右以致  
輿論繁興似亦不無微瑕之玷然書有之知人則哲惟帝其難香帥使詐使貪本素擅知人善任之譽趙鳳  
昌雖小有才工於彌縫善於心計而香帥不過使其供奔走請指揮並未發以車帶受其愚弄似亦不足為  
香帥咎惟是命壬在側開官場管鑰之風貽上黨盛名之玷是不得不早為摺斥耳昔魏文侯令樂羊將兵  
攻中山三年拔之樂羊反而語功文侯示之謗書盈篋今 聖主當賜燭照萬里雖有謗書何足惑 聖明  
之聽而况香帥學有體用識達經權力任艱難口不言功亦非樂羊輩所能企及今雖忠而被謗吾固知香  
帥上忠 朝廷荷畀之重下念同朝責望之殷必能張弛合宜始終其事斷不因此無端讒說致廢前功然  
吾猶望香帥為此人言慎厥將來保全晚節也

上諭恭錄 ○五月初六日內閣抄奉 硃筆着派懷塔布崑岡馬步射欽此○同日奉 硃筆  
這監試着桂斌去欽此五月初七日內閣抄奉 硃筆張仁黼轉補左春坊左中允李殿林補授右春坊右  
中允欽此

奏留京京 (記名海關道吏部文選司員外郎兼總理衙門總辦章京俞幼蘭請承務鍾穎爾  
奉 恩旨記名御史今將傳到則多冠嶽嶽肉不能兼充司員總署堂官屢欲破格奏留并請 旨註銷記  
名御史顧幼蘭承務郎淡於榮利極欲就西臺之清簡故願辭於臚邸及講大臣之前前報已志崖略今悉  
各堂決意奏留上月二十九日繕摺呈進 御覽王爺堂官會銜將俞鍾穎註銷御史仍留總署官差奉  
旨着照所請欽此

英國電音 ○十九日英京發來電報云現在英廷因國家事務孔繁爰定於西八月七號開議  
院齊集諸議員命議各事宜云  
銀務電音 ○十九日英京發來電報云英國高羅刺都各銀礦英國新金山之勿洛干銀礦并勿  
打 尼華打 文打那等所有各銀礦現在均擬停工而芝利國之銀礦亦擬為之停探至麥西哥現亦擬

癸巳五月廿一日

一端所關亦殊非細也

銀行擬歇 ○昨接麻六甲來信云甲地馬根信印度有限銀行現在出有通知單件分佈於眾內言本行分駐甲中者定於西本月三十一號即華六月十九日收盤歇業所有銀紙概行停出蓋恐生運艱難無利可獲故也其略如此然則甲地生涯之冷淡不可於此而見之哉雖然生涯冷淡者固不備麻六甲一地為然也概夫

選法近聞 ○選法情形甚為吃緊有心時事者莫不逃聽聞懷有輪船名或居巴者十七日由暹羅抵叻據該船中人所報則言暹羅朝廷近因邊事日深深恐敵船入境因擬將兩船撞破沉於海口庶將河道阻塞俾敵艦不能長驅直進今有一船業經撞破尚餘一艘猶未撞沉想須俟至事勢危急之時始再將其沉溺也現在暹法兩國均已汲汲備兵為和為戰尚未可知而法國駐暹之呂珍戰船業已預備一切交兵之事軍令一發即可以從專戰攻今暹地各華商亦均備播一切一開仗務即能應往以避兇鋒今暹京諸人復相傳謂而七月一號則法兵必圍困暹都云云但今已逾一號之期仍未接暹羅警電想亦悠悠之說未足以為准信也

融融烈燄 ○十七晚七點餘鐘之際本坡土庫街有回祿為災斯劫也焚燬物業價值銀之多為開辦以來所未有者查是役係由麥厘里雷打公司起火先是晚六點三刻之際有西人馬里道經該處見麥加里雷打公司傍某雜貨店有濃烟冒起訝而入視見烟從該公司之窗隙而出因知有異即破壁入該公司看視時已滿室通紅火光其烈莫由撲救爰即出轉火警旋由公署發德律風至陞旗山報聞至七點半鐘之際警炮轟傳各水龍聞報即紛紛趕救所奈是時水喉所放水源甚慢大有不能敷用之勢不得已將喉搭至附近河中取水維持火勢漸狂至八下鐘時最盛紅光燭天不可嚮避該公司內貯有花炮火箭及油料洋酒等物其影一時爆發無異怒雷轟炸之聲不絕於耳迨至八點四十分鐘時火勢益形猛烈遂漸連及其鄰麥加勞洋行亦遭殃及兩行本係一屋相連而中以板垣間隔故一經遇災遂致被其殃及也當時水龍竭力灌救所奈火勢過猛莫能為力適幸是夕南風不競否則貽害者更不知其幾何迨至十一點鐘時兩行之物已焚燬無餘至是視融之威始為略殺然當起火之際事起倉猝行中各物不及搶回僅獲得紙張及數簿等若干而已是役也由六點餘鐘起火至十二點餘鐘火始暫熄兩行貨物均已一空僅存傘帽數匣一堆焦土而已按兩行地址共大有一萬四千丁方英尺而是役所焚之物約值十九萬元之多迨至翌晨該公司中人至災場看視見收藏數簿之夾萬巍然尚存亟謂視之內中數簿雖不免於焦灼然尚未成灰燼仍復可用由是觀之則鐵樹製造之精可以為之想見矣并聞麥加里雷打公司所買保險之項計有十萬零一千元麥加勞公司買保之項八萬元然則此項若能照數賠償則所失亦懸無幾也

竊物判禁 ○本坡輪車輻輳為繁華薈萃之區撞騙行竊之流靡所不有乃有金玉其外敗絮其中向風花雪月之場而肆其狗彘鳴之技者牛車水街有新順樓粵妓到捕房報稱昨夜有不速之客三人來尋花問柳結露水因緣早晨始去詎客出門後尋覓水烟筒忽而失去二枝每枝各值二元半想係該客所竊特此報緝此數日前事也昨日昨輕暗差在後馬車路某號長生寶庫中巡邏見有一人擄水烟筒一枝在該舖與暗差向其詰問物從何來答係自己買得差又問價值幾何答云二元暗差留心細審見水烟筒所繫之鍊係洋銀打成非尋常之物料為行竊而來遂多方盤駁其人言語支吾不覺圖窮而七首見暗差隨將其人送入捕房通知失主十八日經粵太守當堂提訊將水烟筒給與粵妓認識供云實是已物粵太守問其有何確証供云烟筒後面底下一層裝有黃絲烟且筒邊尚有微凹可據粵太守審視無訛即着其領去因問其人答係閩籍陳姓太守問其有說否陳俯首無詞遂判監禁三個月云

盜蔬受罰 ○有閩人陳阿爐者在竹脚地方編竹為籬牽種屋灌園食力不愧仲子家風雖其規模狹陋不比石氏之金谷園而秋末晚菘春初早韭亦可以吃着一生不盡矣月之十七夜七點半鐘時忽見有黑影一團在菜畦中閃爍不定急急起緝之乃吉寧人行竊其所種之蔬菜者遂檢執報捕昨經粵太守提訊因係當場拿獲無可抵賴隨即判罰五元否則監禁十天以示儆云

弄假失真 ○海南人名區龍者有銀票二紙各一元固本來面目也不料利令智昏貪心頓起思將一字改作十字于十八晚七點半鐘時提向魯麻班讓街吉寧人名務打沙者該處掉換銀錢務務打沙眼大如箕心細若髮其銀紙字蹟破綻處被其認出盧山真面目來遂將區龍扭交巡捕房現任在羈押捕房噫若區龍者豈非弄假失真乎諺所謂偷鷄不著反接了一把米其區龍之謂矣

老嫗斃命 ○粵內來信云有一趙姓者粵之潮州人娶妻陳氏上有老母下有兩兒雖係平常小人家而萱草長春芝蘭挺秀仲事俯育之餘亦可謂極天倫之樂事矣趙本經紀中人暇時常在海濱臨流把釣月之十五日一簍烟雨又到水雲鄉深處垂綸忽釣得一尾河豚不勝狂喜貿然歸命其妻煮而食之幾不知為有毒之魚也者其妻遂如法烹調兩河豚腹中有二卵夫婦遂各食其一此時此景所謂一尺鯉魚新釣得兒孫吹火拔花中其樂無始亦不是過也詎不逾時而夫妻二人即呼腹痛宛轉斃命同入枉死城中幸其慈親與二子未食否兩全家皆成慘死矣事後趙某家貧如洗不能成殮其母不得已留一七歲子為後將其幼子三歲給與族人為嗣始得將喪事料理清楚噫慘矣哉世之老嫗成性者固其鑒焉

三品出品

其酒係白頭式發售有年沽飲諸君莫不稱其香爽奈近有無恥之徒假冒本庄三品酒款式以圖魚目混珠情殊可恨嗣後諸君沽買本行白頭三品酒者請細認本號招牌之內




有小紙包頭計華字新號號明碼也公司者始無佳若此字樣即屬偽冒請為細認此佈  
大清光緒十一年十一月初四日  
大英一千八百八十五年十二月十九號


明碼也公司謹啟

名鐵櫥發售

嘗思養生之道所最要者則財帛之積蓄也本行鐵櫥所以為 諸君之所共賞也啟者本行所賣之鐵櫥久已馳名於外方一帶而於叻坡則聲名尤著至本行沽賣此等鐵櫥已有三十年之久其製甚為堅固保能耐火且其匙鑰甚妙斷非盜賊等所能開計其櫥全身均用鐵製成並無雜以木料且諸櫥自前至今均為一式堅固並無有優劣之分至於各櫥大小不一而價值則約一百兩至四百元凡用之者可保其不礙焚燒即火災亦無所損本行之鐵櫥實為叻坡諸華商所喜購而本行每年所沽亦殊不鮮茲特為之錄佈倘諸君有惠顧者新即玉臨選購為盼  
大英一千八百八十九年十一月廿八號  
大清光緒十五年十一月初六日



諸君有惠顧者新即玉臨選購為盼



明碼也洋行謹啟

烏密酒發賣



啟者本行向由英國督辦各種美酒來叻發售久已遐邇馳名茲復由英新辦到顯爾士斗雲字號之狗頭標烏密酒到叻應沽此酒香爽異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜 諸君有欲飲者請至本行取用可也此佈  
大英一千八百八十八年八月十五號 明碼也洋行啟

法國頂上蜂標萬池酒出售



啟者茲本公司親由法國督辦頂上好萬池酒來叻發售其酒清香濃郁醇厚異常飲之誠可令人長血氣壯筋骨悅顏色妙爽無窮今市上所有萬池酒無有能出其右者誠酒中妙品也至此酒每本公司一家沽出餘無別家出售 諸君光顧請細認蜂標標頭為記頭細辨香味方不致誤價甚相宜倘有要份之鑒者請早至 買臨沽買是幸  
大英一千八百八十八年六月二十號  
大清光緒十四年五月十一日  
明碼也公司謹啟

蜜酒發售



啟者本行由歐洲辦到上等蜜酒來叻發售其酒甚佳茲將標頭印出 諸君光顧所為細認免致有誤近聞有無恥之徒假冒本行鑰匙標酒希圖魚目混珠最堪痛恨今本行再行核定於酒樽木枊內加鐵烙鎖匙形以示分別倘 諸君有知何人假冒請到本行報明即酬花紅銀二百大元經官訊定即能給發斷不食言再此酒不能販往

諸君光顧所為細認免致有誤近聞有無恥之徒假冒本行鑰匙標酒希圖魚目混珠最堪痛恨今本行再行核定於酒樽木枊內加鐵烙鎖匙形以示分別倘 諸君有知何人假冒請到本行報明即酬花紅銀二百大元經官訊定即能給發斷不食言再此酒不能販往

加勝吧 三寶壠 泗里末  
望加錫 檳榔嶼 日理等處其他各埠均能運往此佈 諸君  
明碼也洋行謹啟

大英一千八百九十三年五月廿六號

大清光緒十九年四月十一日

明碼也洋行謹啟


**修路聲明**

○啟者麥非申路原名高高控路即寶籠岡佛廟前之路現在欲為修理定於西本月十三號即華本月廿五日禮拜一起暫將此路欄閉俟至修成之日再行出字通知特此奉聞諸惟照照

光緒十八年十二月廿五日

工部局司理人波兀刺士謹啟

**象頭標蜜酒出售**



大英一千八百九十三年元月二十一號

啟者本公司由歐洲督辦象頭標車先那那酒來叻專為賣得力諸仕商所用此酒氣味香醇且能除煩解渴於實得力地土最為相宜洵合諸君所用茲特將其標式附列如中俾諸君一覽而知按式購



取倘蒙 光顧請至舊巴虱街萬興號右鄰本公司細認象頭標為記庶不致誤價極平特此佈 聞

新嘉坡緞買公司謹啟

**石**

啟者本號設在甘公麻六甲橋頭即華民政務司署後街第三十九號門牌常有柔佛所產各種石件出售如地基石老古石及紅石等均無不備此石與國家所用者無異且價甚相宜 諸君賜顧祈即移 玉惠臨議沽為盼特此佈 聞

大清光緒十八年十月初七日

大英一千八百九十二年十一月廿五號

建成號黃清榮謹白

**頂上旗標蜜酒**



啟者本行現承英京達丁南禮慈蜜公司託在本坡為之代理沽賣該公司之旗標蜜酒此酒業經致推究第一上品其性清涼解毒飲之能令人心曠神怡誠蜜酒中之最佳此酒向由本公司代沽今叻地然里直洋行暨各沽酒之店亦有零賣 諸君有到份之癖者尚祈移玉前往選沽為盼端此佈 聞

英一千八百九十三年元月十七號

慕娘公司謹白

**精理機器**

**J. LAWSON.**

Consulting Engineer, Surveyor and Machinery Valuer.  
MARINE CLUB.  
Superintendent Engineer, S. S. Singapore.

啟者余素精於機器之學曾在英京考授機器司之職所有輪圖估價及代理買賣火船並修理輪船火鑪等一切諸般機器莫不善為料理主顧不誤更能代 諸君查看輪船並督理製造各種機器各事 諸君光顧請移玉至士庫花園邊士弁士里街蘭水公司樓上本寫字樓內面商便得端此佈聞

英一千八百九十三年元月七號

然羅華謹啟

**頂上呂咸酒出售**




啟者本公司由歐洲辦到邊尼力頓頂上呂咸酒來叻發售此酒乃天主教大神甫所創製功能化痰下氣降食除煩且能解他酒之醉凡有飲酒過量者即飲此酒立能清

醒故其功效異常 諸君有欲購飲者請至葛士兄弟洋行隔鄰樓上本公司選沽為盼

英一千八百九十三年三月廿

**新到脚踏快車發賣**



啟者本公司新到脚踏快車出售其車輕巧利便最能耐久且快捷異常無論雙輪三輪各式俱備前於西七月六號及九號時曾有人以本公司所售之車與他號之車相賽而本公司之快捷者洵稱第一妙製此等車款最合於東方各埠所用而且價甚相宜 諸君賜顧請移玉至士庫街第十二號門牌本公司內面商便得端此佈告

大英一千八百九十二年七月三十號

**棧**

啟者打石街邊館邊即前長茂號火確之處有新貨棧六間門牌第一百十八零六號第一百十八零七號第一百十八零八號第一百十八零九號第一百十八零十號第一百十八零十一號出售每間可貯米石二萬餘包甚為寬敞且門前臨港極便物甚為利便 諸君有欲租賃者請至本號面商便得特此佈 聞

光緒十八年六月廿四日

舟遊洋舟至此見而相救爰將其載回叻地抵叻之際已在夜分十一點餘鐘矣翁感激活命之恩抵叻而後即至某戚處將事聲明即取銀二元謝汪汪遂讓冉三然後受之而去

依樣胡塗 ○昨日日本報登有弄假失真一則亦足以儆人之不可貪心僥倖冒險嘗試者矣乃天下之事無備有偶竟有依樣胡塗如出一轍抑何利令智昏者之多也海南人廖阿順有銀票一紙十元廢物也本二十早提向新巴虱第一百四十四號門牌聞籍名陳四者掉換銀鑲被陳四認出破綻適有三百零四號巡差在側陳四於是將廖阿順扭交該差現在羈押捕房尚待發落想提訊之下難保不又有一番懲儆也

毆人定罪 ○前報烟公司巡丁頭目黃揚被已革巡丁謝和扶仇毆打因為府署書吏李其將其執獲一案核悉此案於十八日已在府堂訊定以謝行兇毆人罪無可逭因將其監禁一月期滿之際更覓人署券二十五元保其三個月不再滋生事端而後始能釋放云

臺道札文 ○現署臺北府管帶雲太守於四月十六日接奉 欽命福建分巡臺澎兵備道兼按察使銜領廷閣察李文為札飭事本年三月二十三日奉撫憲邵札開光緒十九年三月十五日准兩廣督部堂李咨案據惠潮嘉道申稱光緒十八年十一月初三日准英國領事官照會內開據本國國民人吳伯滋稟稱欲往廣東福建等省地方游歷稟給護照一紙等情前來合即填就護照一紙按照新章將吳字姓名旁註照送請頒迅即加印照覆送還計送護照一紙到道准此職道覆查照內係填寫欲由汕頭前往廣東福建等省游歷給英國人吳伯滋收執字樣核與條約相符除將護照加印送回轉給並各屬查驗保護外理合將該英人護照抄錄呈報察核計呈清摺一扣等由據此除札飭東按察使會同布政使移文各屬遵照如遇英國人吳伯滋持照到境游歷按約妥為查照保護外相應咨會查照轉飭查驗保護等因到本部院准此合行札飭札到該道即便轉飭各屬一體遵照查驗保護并通行商委員知照毋違此札等因計抄摺到道奉此除分行外合就札飭為此札仰該府即便轉飭所屬一體遵照如遇英國人吳伯滋到境游歷務須按約妥為保護毋違此札太守接奉之下刻已一律轉行各屬遵照辦理矣

恩給卹布 ○臺灣布政使司唐薇卿方伯籍隸粵西世傳閩閩方伯昆仲行三人皆以名翰林起家方伯居長位列清班其次不幸赴修文之召幼幼者官印崇由翰苑而擢臺諫擢有彈劾不避權要四月初七日臺灣奉到電傳 上諭唐景崇著補授左春坊左庶子欽此各屬吏正欲恭詣微垣叩賀聞初十日又奉 上諭唐景崇著賞給頭品頂戴欽此前後三日喜重疊疊傳檄增輝一時無兩按方伯前於本省商務案內經撫憲邵大中丞首列刻章故有是 命邵中丞接閱電文即與幫辦全臺撫墾事務時時罔鄉及以次文武各官均往道賀合誌之以見 朝廷酬庸之典方伯家乘之光

恭議 慶典 ○總辦 慶典王大臣定於四月二十日在關防衙門會議 慶典事宜是日各堂官齊集閣此次具摺請 行事件係內務府主稿蓋會議沿途點綴景物事也具奏之期約在月內云

京報選錄 ○方汝翼片 再湖口縣東岸武昌港炮臺前因雷火轟燬臣在藩司任內奉撫臣德馨委往查勘估修所需銀數前具工日期均經撫臣德馨具摺奏明該縣西岸梅家洲炮臺後武昌港炮臺修有端倪再議具辦欽奉 硃批該衙門知道欽此欽此在案茲查武昌港炮臺於十八年七月二十七日興工是年十月二十七日工竣當修築緊要之時臣稟明撫臣往復週歷查看於上年十月初一日由省起程循舊將湖口行事件委南昌府代印代行初十日回署梅家洲炮臺亦經勘明原建暗臺修復費鉅稟商撫臣改建明臺估需工料銀一萬餘兩仍派武昌港炮臺委員侯補知州黃壽英等分別採辦物料監督興築並赴吳淞口測繪明臺式樣仿照辦理梅家洲原臺距湖中土性鬆浮易受潮濕今將全臺加高四尺連前共成一丈內外密釘長椿遍填三合土共計需工料銀一萬餘兩開工一俟告竣各地安置妥適臣仍當稟明撫臣前往該兩處炮臺查驗工程取結保固並飭委員分送工料細數清冊繪圖附送俟分別奏咨嚴緝惟臣欽奉 上諭暫護巡撫印務甫經任事頭緒紛繁未遑兼顧工程印務春署藩司司裕勤明練達任事實心所有炮臺未完事宜即委現署藩司接辦以免貽誤理合附片陳明伏乞 聖鑒謹 奏奉 硃批藩司知道欽此

詩會求教 ○蓋聞風詩弁冕二南職賦權輿三楚離火之區文明所萃矧我檇城山川秀麗籍甚中原冠蓋風流超絕羣島而 力軒舉孝廉曾操脩志之筆新闢選文之樓僕等新立社規構檉政錦囊滿貯兼收鳥戾郊寒銅鉢綬綬催無得馬遲枚速預鳩潤筆之資藉展徵詩之意所願海島萬風塵過客奏竹枝之曲聯萍水之歡此日和聲鳴盛 聖化逾萬里而益昌他時鸞拜廣教文教歷百年而肇啟非徒采輯土風編域外同音之集尚望闡明詩學導海濱倡道之機耳 茲擬題求 教 寶珠嶼觀海 七絕限東韻能七律七絕七古聽之 本社不收卷資限至六月初十日可到嶼 乾元公司內交卷所有潤筆二十四元攤賞列明於左此佈 冠軍四元二名三元三名二元四名一元五名一元六至十名一元十一至二十四角廿一至三十三角殿軍三元五角

檇城南社同人謹啟

**承股告白**  
啟者朱松軒何竹軒李秀泉梁衡石梁烟堂自光緒十一年合夥在石礮布厘士側門牌第拾七號開張義安號香港同昌號石灣同昌棧做磁器缸瓦等生理茲梁衡石梁烟堂二人志圖別向願將義安號同昌棧自己名下所占之股份全盤頂與股內人朱松軒何竹軒李秀泉承受所有貨物銀兩賬項招牌傢私什物舖底遺金礦股份等款一概歸承頂之人所得嗣後生理盈餘一概與梁衡石梁烟堂二人無涉特此佈聞  
光緒十九年五月廿一日  
新嘉坡義安號承股人朱松軒何竹軒李秀泉白

**退股聲明**  
啟者新嘉坡老巴剎後絲絲街第一百八十八號門牌逢春號向係余林長華創設茲余已將本號全盤生理頂與林壽福乃勃耶吳乃勳三人承受仍用逢春字號照常貿易日後逢春公司生理盈虧以及一切往來數目均由林壽福乃勃耶吳乃勳三人料理與余林長華無涉先此聲明免滋後論  
光緒十九年五月廿一日  
大英一千八百九十三年裕來月四號  
新嘉坡逢春號林長華謹啟

**承頂聲明**  
啟者新嘉坡絲絲街第一百八十八號門牌逢春號生理向係林長華創設茲林長華已將該店頂與余林壽福乃勃耶吳乃勳三人承受即將逢春字號加以公司二字照舊開張嗣後該號一切事宜以及往來數目均余三人料理不干林長華之事特此聲明免滋後論  
光緒十九年五月廿一日  
大英一千八百九十三年裕來月四號  
承頂逢春公司人林壽福乃勃耶吳乃勳同啟

**頂受油局**  
啟者新嘉坡製油局原係西商尼勿蘭知所創設該商志圖別業已將該局頂與下扶英兀刺公司承受於西七月一號即華五月十八日起本寫字樓即設於土庫街第七號門牌二層樓上 諸君有欲購油者請至寫字樓內面商至本公司并有生油及椰油枯餅出售每担價銀八角并有他項油餅每担價銀六角此油餅用以種植羔丕及他項菓木作為肥料最屬相宜諸君有欲採購者請至本油局內出貨是荷特此佈聞  
大英一千八百九十三年七月三號  
下扶英兀刺公司謹啟

**聲明店業**  
啟者牛車水戲園街第二號門牌陸茂酒店係余所設嗣余志圖別業前議將此店頂與廣源發號鄭亞瑞連二人承受乃數月以來二人欠余承頂之項未能交出故經此二人將其店務仍舊歸還於余照常開設茲特聲明於韓倫鄭亞瑞連二人在外與人有交易往來之事惟向經手是問與陸茂號及余無涉先此聲明免滋後論  
大清光緒十九年五月十六日  
陸茂號林崑陞謹啟

**通知告白**  
啟者茲本年本國家欲在加勝巴地方拍賣之羔丕十萬担至其拍賣日期及一切詳細情形可至本總領事署詢問便得而知特此佈聞諸惟 鑒照  
大清光緒十九年五月十五日  
荷國駐叻總領事官制惟那謹啟

**泉署經歷司告白**  
啟者茲有寓居勿刺即溪墘之陳安壽曾具有報窮稟帖呈交本署欲交與合巴沙求刺律即十八間後第三十六號門牌振除號及泰隆號茲奉泉憲之命將此事刊入本坡國家憲報及叻報華字新聞紙內既入之後即與別變其本人收接無味今此案已承泉憲定於西一千八百九十三年裕來月三號即華本年五月二十日上午十一點鐘在本坡泉堂審訊該振除及泰隆號務須如期前來聽候傳訊若逾期不到則泉憲定當別委他人將該兩店一切各事代為處置至以上所言之稟現存於本坡泉署之內如欲看閱其中所言詳細者即至本署查詢可也  
大英一千八百九十三年六月十九號  
新嘉坡按察司署副經歷司渣申伊才力謹啟


**荷國總領事告白**  
啟者茲有寥內海面常川駐紮及來往之國家船隻現欲招人承供伙食柴薪等物其供價或僅承一千八百九十四年一載之期或兼承至一千八百九十五年及一千八百九十六年三載之期均從其便而承辦之人并須供辦油料係交與政司所用并供應海傍燈柱之油料等如有欲承此役者可於西本年七月七號即華五月廿四日禮拜五上午十點鐘以前將票投交署內參政司署以憑選擇如有欲知其詳細情形者除禮拜及令節停工之日外每日由上午九點鐘起至十二點鐘止均可到該署詢問特此佈聞  
大英一千八百九十三年六月廿三號  
荷國駐叻總領事官制惟那謹啟

**工部局告白**  
啟者本坡國家及本局前者所定禁狗律章內言凡有各犬均不准載入叻口以及叻中各犬均須領冊等因現將期滿茲經議定將此律再續行一年待至西一千八百九十四年潤月一號始為停止但前律所載凡有各犬均須領取嘴套一節茲已為之刪去惟遵照西本年所定第五第六兩條律章辦理所有各犬如在本局界內畜養者均須至本局領取牌照等件并悉遵本局所諭而行凡有各犬出門均須帶頸箍下懸一小牌牌中列明號數以便稽檢倘有未經領牌之犬或已領牌而該犬出門未帶頸箍者均可任由查犬人員將該犬擊斃或將犬執獲以別項處置至於本局所派查犬人員因公隨時可入一切公眾地方稽察茲特為之預告勿謂言之不先也(再者現在各犬領牌之期將屆茲將此例續行一年於西一千八百九十三年潤月一號起至一千八百九十四年潤月三十一號止凡有各犬欲領牌照者準於西本月十九號即華五月初六日禮拜一起除禮拜外每日由上午十點鐘起至下午四點鐘止六日則由上午十點鐘起至下午一點鐘止均可到來領取如欲領牌者可至本局收納稅項處繳費領取可也併此佈告  
大英一千八百九十三年六月廿三號

**大英一千八百九十三年六月廿三號**

**大英一千八百九十三年六月廿三號**


### 然里直洋行快車發售



啟者本公司所售足踏快車向蒙諸君惠顧無不盛稱其妙今欲將此快車數目截清再辦新貨故將所存各車以廉價出售其車輕而且捷且有樹乳包嵌輪外巧妙異常其車每輛最廉以五十五元起碼 諸君有欲購用者請移玉至本公司選沽可也此佈

大英一千八百九十三年六月九號  
然里直公司謹啟

### 新到脚踏快車發賣



啟者本行有湖雲知行公司所製之足踏自里快車出售無論雙輪三輪各式俱備且復最為輕便行走如飛而車之復以一寸半厚之樹乳裹之能令行動無聲且不至損及車輪而坐位亦甚自然乘坐此車出遊最為利便即英國太子及俄皇亦用其車則其精爽可知 諸君賜顧請即玉臨選沽為盼


大英一千八百九十二年十一月廿六號  
麥加里實打公司謹啟

麥加里實打公司告白

啟者本行常有船中所用各物及機器所需各物出售各貨均由歐洲辦至最為上品所有尺磅磅皆足數並無短欠前在船中所用帆帆帳篷各物均用頂上帆布以機器縫就且價甚相宜并有越申士公司 VVO 標頂上威士枝酒出售每箱計十二樽價銀六元又威仁乃三品酒大樽者每箱十二樽價銀十五元中樽者每箱二十四樽價銀十六元小樽者每箱四十八樽價銀十七元又酒標之白蜜酒大樽者每箱四樽價銀九元小樽者每箱八樽價銀八元又頂上香西里酒大樽者每箱十二樽價銀十元此酒均屬上品香味勝常 諸君合意祈早 玉臨選沽為盼

大英一千八百九十一年十二月廿六號  
麥加里實打公司謹啟

### 頂上鐵櫃發賣



啟者本行有士呂士巴來士公司所製之禦災鐵櫃出售此櫃能令火燒不壞即盜賊亦不能私開該公司之製此物曾經得有獎稿金牌則其製之佳處可知且復價甚相宜單門者每具價銀由三十五元起至六十元止雙門者每具由六十五元起至一百二十元止更有再為佳者不能備錄 諸君如有惠顧者祈即玉臨選沽為盼

大英一千八百九十二年十一月廿六號  
麥加里實打公司謹啟

### 名醫濟世

啟者本醫生葉醫代歷在香港管理各門諸症萬醫萬効今因去年六月十九日抵星嘉坡寓居在火車路吊橋頭水仙門第四十六號門牌倘 諸君惠顧者請移玉步專醫三十六種出面痲瘋紅雲血癩不論遠年輕重或宿娼誤染癩瘋種種不同祇到驗看立斷真假分症醫愈永不復發論痲瘋初起必定蛛絲網面手足麻木蟲行蟻走身有死肉面起癩團心驚肉跳週身血塊此乃大瘋之根苗也一見此形必先早治遲則破爛縱有仙方亦難醫得全形也余業醫數代精究痲瘋一科未見五絕之形者可能萬醫萬愈論大人患者多由宿娼誤染小童患因痲豆誤食毒物誤用冷冰冰淋身毒水不出內攻而腑日久發出便是瘋也亦有傳胎瘋由父母精血成形則難治矣書云有是症必有是藥只因前醫藥不對症焉能醫得全愈哉

○擅醫眼科不論遠年翳目有膜膜者立能除去盲問者亦能鑲補(精究內外奇難雜症大小方脈不論遠年怪症屢盡藥石無靈者請到驗看有無醫否可有良方醫理拿手全愈分文不受謝誠為濟世計也

光緒十九年元月初八日 善行堂廖廷均醫生啟

啟者茲有十八間後吉舖二間門牌第九十一二號又十八間後街口火車路旁有舖二間門牌第七號茲欲出稅與人此舖新輕修理完好異常 諸君有欲稅賃者請至本館詢問便得此佈

光緒十九年四月廿五日 本館謹白

